



- POSLANICIMA/ZASTUPNICIMA SKUPŠTINE
ZENIČKO-DOBOJSKOG KANTONA
- VLADI ZENIČKO-DOBOJSKOG KANTONA
- SREDSTVIMA JAVNOG INFORMISANJA/MEDIJIMA
- SLUŽBI ZA ZAJEDNIČKE POSLOVE
- MINISTARSTVU UNUTRAŠNJIH POSLOVA

Broj: 01-01-12502-1-1/20
Zenica, 23.07.2020. godine

PROTOKOL
ZA ODRŽAVANJE 24. SJEDNICE SKUPŠTINE ZENIČKO-DOBOJSKOG KANTONA
ZAKAZANE ZA DAN 28.07.2020. GODINE U 10:00 SATI
U SALI/DVORANI 301 III SPRAT ANEX-A ZGRADE SJEDIŠTA KANTONA

S obzirom na činjenicu da se i 24. sjednica Skupštine održava u vrijeme pandemije corona virusa, te shodno Naredbi Federalnog ministarstva zdravstva br. 01-33-3997/20, od 13. jula 2020. godine, koja je stupila na snagu 17. jula 2020. godine, a kojom je proglašena epidemije zarazne bolesti COVID-19 za ugroženo područje, teritoriju Federacije BiH, 24. sjednica Skupštine Zeničko-dobojskog kantona, **zakazana za dan 28.07.2020. godine (utorak) u 10:00 sati**, u sali/dvorani 301 III sprat anex-a zgrade, će se održati uz obavezno poštivanje i striktno pridržavanje slijedećih pravila i mjera:

1. Na dan održavanja sjednice Skupštine (najmanje 2 sata prije početka sjednice) izvršiti obaveznu dezinfekciju sale 301, u kojoj će se održati sjednica Skupštine, (uključujući sve stolove, stolice, govornicu i druge površine), te provjetranje navedene prostorije prije i tokom trajanja sjednice, otvaranjem prozora, **(bez uključivanja klima uređaja)**, kao i obezbjeđivanje dezinfekcionog sredstva na ulazu u salu 301, (što su dužni obezbijediti i vršiti nadležne osobe Službe za zajedničke poslove), kako bi svi učesnici sjednice prilikom ulaska u salu izvršili dezinfekciju ruku.
2. Svi poslanici/zastupnici Skupštine Kantona će biti dužni da se prilikom ulaska u zgradu, na prijavnici, podvrgnu mjerenju tjelesne temperature, što će vršiti nadležni zaposlenici Službe za zajedničke poslove.
3. Svi poslanici/zastupnici Skupštine Kantona, prilikom ulaska u zgradu Kantona radi dolaska na sjednicu Skupštine i tokom cijelog održavanja sjednice Skupštine, dužni su imati ličnu/osobnu zaštitnu opremu (zaštitnu masku za lice).
4. Premijer Kantona, članovi Vlade Kantona i ostali koji su izvjestioci po pojedinim tačkama dnevnog reda iz svoje nadležnosti, sjednici će pristupiti u vrijeme kada ista po redosljedu bude na dnevnom redu i moraju na sebi imati ličnu/osobnu zaštitnu opremu (zaštitnu masku za lice).
5. Oni poslanici/zastupnici Skupštine Kantona, kao i ostali učesnici sjednice, koji imaju bilo kakvu (i najmanju), sumnju u svoju eventualnu zaraženost corona virusom, (zbog postojanja određenih simptoma ili ranijih kontakata sa osobama koje dolaze iz zaraženih područja i osobama koje su sa njima bili u kontaktu), da ne dolaze na sjednicu Skupštine, a svoje odsustvo su dužni najaviti predsjedavajućem Skupštine.
6. Sjednici Skupštine, u sali 301, moći će prisustvovati predstavnici sredstava informisanja/medija i to na način, da u sali, na mjestu predviđenom za medije mogu biti prisutna samo dva predstavnika sredstava informisanja/medija, s tim što se međusobnim dogovorom mogu mijenjati, a ostali predstavnici sredstava informisanja/medija mogu da borave ispred sale 301. Izjave za medije će se moći uzimati samo na mjestu predviđenom za tu svrhu ispred sale Skupštine.

7. Svi poslanici/zastupnici Skupštine Kantona će u sali 301, (u kojoj će se održati sjednica Skupštine,) sjediti na prethodno označenim mjestima sa njihovim imenima i prezimenima, prema uputama nadležnih zaposlenika Stručne službe Skupštine, između kojih će biti razmak od minimalno 2 metra, što se mora poštovati tokom cijelog trajanja sjednice Skupštine.
8. Svi poslanici/zastupnici Skupštine Kantona će u sali 301, na stolici zateći evidencioni list prisustva sjednici, koji su dužni popuniti svojom hemijskom olovkom i isti predati nadležnoj zaposlenici Stručne službe Skupštine.
9. Tokom cijelog održavanja sjednice Skupštine svi učesnici na sjednici, moraju poštovati mjeru socijalne distance odnosno obaveznog razmaka između osoba od minimalno 2 metra, (što znači da ne smiju prilaziti jedni drugima), te korištenje lične zaštitne opreme, (obavezno nošenje zaštitnih maski za lice), te se ne smiju rukovati.
10. Prije i tokom cijelog održavanja sjednice Skupštine **će zbog temperaturnih prilika u Sali 301 biti obezbijedeno posluživanje samo flaširanim bezalkoholnim pićima (flaširanom vodom/mineralnom vodom)**, radi omogućavanja osvježavanja poslanicima i svim ostalim učesnicima sjednice, kao jedna od zaštitnih mjera sprečavanja potencijalno mogućeg izvora zaraze i njenog potencijalno mogućeg prenošenja. **U tom cilju na svim stolovima u Sali 301 biće postavljene flaše sa vodom, a u holu ispred sale na stolu biće postavljena voda i ostala flaširana bezalkoholna pića (mineralna voda i sokovi).**
11. Nakon završetka sjednice, prilikom izlaska iz sale, potrebno je držati navedenu fizičku distancu, s tim da prvi iz sale izlaze oni iz zadnjeg reda, pa prema naprijed.
12. Svi učesnici sjednice su lično/osobno odgovorni za pridržavanje mjera predviđenih ovim Protokolom, kao i za eventualne posljedice nepridržavanja istih.

PREDSJEDAVAJUĆI

Ćazim Huskić s.r.

DOSTAVLJENO:

1 x Naslovu

1 x U spis predmeta **24.** sjednice Skupštine/**05-03**